

遺身殃哉○又曰兌與門人身上下孔竅之通稱參同契云
上閉則稱有下閉則稱無可見閉下門為尤緊要

上章襲常謂密用常道也故次之以介然有知行於大道

益證章第五十三

使我介然有知一念而已行於大道一我而已惟施是畏一理而已○大

道甚夷一道而已而民好徑思無邪朝甚除心不正○田甚蕪性不

明○靈地無倉甚虛神不靈○服文采好榮華帶利劍貪嗜慾

苗邪僻有位厭飲食不知有淡泊○饑思啖牛財貨有餘○舍此道而逐物

是謂盜夸人欲勝非道哉於道不然○
天理三毒擾攘

復圭子曰太上原是上德上德無知也無為也天下上德者

道藏輯要

太上道德寶章翼

三

心集四

有幾人故不得不談下德之事下德則有知有為矣介然猶
忽然也使我介然有知以行此大道惟施是畏已有所施則
彼有所受喪莫大焉行大道之時分明是恍惚之中尋有象
杳冥之內覓真精安得不惟施是畏哉故對境忘境真色不
色非知道者孰敢言之大道本至平至易而民好徑走旁門
以求速効欲得大道必不得之數也朝早也除去也朝甚除
不知火候矣田甚蕪靈地茅塞矣倉甚虛腹內不實矣外猶
服文采炫人帶利劍以降魔積飲食財貨而無所用之夸誇
張也是謂盜夸誇以誨盜即慢藏誨盜之謂也所以敲爻歌
云若是慳財並惜寶千萬神仙不肯來是也豈道也哉○蘇

子由曰體道者無知無行無所施設而物自化今介然有知而行於大道則有施設建立非其自然有足畏者矣大道夷易無有險阻世之不知者以為迂遠而好徑以求捷故凡舍其自然而有所施設者皆欲速者也俗人昭昭我獨若昏俗人察察我獨悶悶豈復飾末廢本以施設為事夸以誨盜哉上章使我介然有知有知則道心堅固故次之以善建不拔

修觀章第五十四

善建者不拔不出乎道善抱者不脫不離乎道子孫祭祀不輟

以道常存修之於身心也其德乃真真心修之於家性也

道藏輯要

太上道德寶章翼

心集四

其德乃餘真性修之於鄉神也其德乃長真神修之

於國道也其德乃豐真道修之於天下空也其德乃普真

時亨故以身觀身心中心以家觀家性中

以鄉觀鄉神中神以國觀國道中道以天下觀

天下空中空吾何以知天下之然哉空中以此

復圭子曰凡物有形可建者則可從建處而拔之惟修道者

不建以迹而建以神斯之謂善建不拔有形可抱者亦可從

抱處而脫之惟修道者不抱以人而抱以天斯之謂善抱不

脫至人在當時猶能使物不疵厲而年穀豐熟豈奔世而下

道氣長存而祭祀之者不如子孫之不輟耶蓋善建非虛建